

## 108學年度語文競賽八年級閩南語朗讀

### 01.放學了後

游蒼林

哇，上尾一節課總算下課矣，欲紮轉去的物件趕緊收收咧。作業簿仔、聯絡簿仔，一定愛會記得紮，轉到厝才袂予人罵甲臭頭。便當盒仔嘛愛提轉來去洗，啊若無，明仔載就愛洗臭酸的便當盒仔，嘛會予老師罵。

阮兜離學校無偌遠，用行的十分鐘就到矣，毋過，我毋免行遐緊，沓沓仔行就會用得，因為，今仔日早起欲出門的時陣，阮阿母有共我交代，放學愛較緊轉來鬥拈葉仔。我才無想欲遐早就行到厝咧。著啦，先趲入來去店仔買一寡四秀仔才閣講，啊若無，等咧，我一定會枹甲必必掣。

「阿母仔，我轉來矣。I'm home!」猶未踏入戶模我就大聲叫阮阿母。我定定落一寡英語予阿母聽。阿母雖然有時陣敢若虎豹母咧，啊母過，我嘛是真愛伊。莫怪阿姊笑我有淡薄仔『戀母情結』，毋過阿母嘛講：「恁姊仔細漢的時嘛是一工到暗共阿母綴牢牢，真正是龜笑鰲無尾，鰲笑龜頭短短。哈哈！」

「冊包因咧就緊來拈葉仔hânn！」阮阿母又閣咧催矣。「好啦！好啦！連鞭就來啦！」阮兜是種田的，阿爸講佈田無利純，只好改種荖葉仔。種荖葉仔是足厚工

的。大人去種葉仔，挽葉仔；阮因仔人若有閒，著愛鬥疊葉仔。拈葉仔就是共對園裡挽轉來的葉仔，倒佇大水桶內底用水洗洗咧，才閣一葉一葉拈做伙，疊予好勢。上煞尾才一沿一沿因佇籠仔底裝予好勢，才交予販仔賣出去。

拈葉仔真簡單，毋過規工攏做全款的動作，實在有夠無聊的，而且，工錢嘛足少的。放學了後若做兩點鐘，上濟才會當趁八、九十箍爾。熱人，天較慢暗，啊若寒天時仔，著愛做甲暗眠摸才會當歇睏。別人兜的因仔放學了後，若毋是看電視就是拍電動、耍電腦，我實在足欣羨的。毋過，阿母定定講：「艱苦頭，快活尾。細漢食過苦的人，大漢較有出脫的機會。」看阿爸阿母逐工攏無暝無日咧趁錢飼阮一家口仔，實在是誠辛苦，咱做序細的會當鬥做一寡工課嘛是應該的。錢少無要緊，阮兜一家，會當平安幸福，我就足滿足矣！

## 02.阮兜這條街

紀春網

阮兜這條街敢若是三个無仝的世界仝款，街仔頭是店面，中段是倚家，街仔尾是公園。無論是食的、穿的、用的、做議量的，遮攏總有。阮兜就蹠佇遮，逐工出出入入的這條街。

阮兜這條街，逐工上早精神的是街仔尾的公園。天拍晡光，就有厝邊隔壁的阿公、阿媽，街頭巷尾的阿伯、阿姆，有熟似的，嘛有生份的。有的咧運動，有的咧開講、拍拊涼。這個時陣，囡仔閣覘佇棉襪被裡咧眠夢。

這條街上早開門做生理的是臺灣式的豆奶店恰西洋式的早頓店，聽講豆奶店佇半暝仔就愛開始攢材料。煮豆奶的大口鼎，燒煙陣陣噙懸，等待透早起來運動的人客，上愛食這種古早味的豆奶配油炸粿。這種物件，少年的恰囡仔食袂慣勢啦，愛食麪配牛奶才合味。人講：「早頓食飽，中晝食巧，暗頓半枵飽。」所以天一下光，就佇遮充電，充甲飽飽飽，予規工充滿活力。

你若行入這條街，會看著一間郵便局予人寄批恰儉錢，有影真利便。服裝店的衫對紅嬰仔賣到做阿祖攏總有，嘛有予阿母孌噹噹的電頭毛店；予阿爸緣投的剃頭店，閣有花店、藥房、咖啡店……等等，真濟無仝的店面。上心適的是若行佇正手片的亭仔跤，擲頭就會看著

鳥仔岫，內底的燕仔嘛恰阮仝款，蹠佇這條街。

我上擋袂牢的是麪店。逐工放學的時，拄好是麪出爐的時間，芳 kòng-kòng、kòng-kòng 芳，啞我吞喙攏。所以阿母予我的四秀仔錢，我規工攏毋甘用，共伊儉起來買麪。

我上捷去的是便利商店，因為阿母煮食的時，若是欠鹽、欠糖，就隨喝我去買。阿媽講的就無仝矣，阿媽講：「你去二四小時的口仔店，替我買物件。」對這句話就知影，這條街是有歷史的喔。

阮兜三代人佇這條街行踏，算算咧嘛有半世紀矣，予人的感覺是交通利便袂稀微，食、穿、日用攏四序，倚家安全好厝邊，值得呵咾人情味。

## 108學年度語文競賽八年級閩南語朗讀

### 03.熱天的幸福

曾菁怡

我讀國小的時，若拄著歇熱，攏會恰小弟轉去庄跤恰阿公、阿媽蹠，一寡叔伯兄弟、姊妹嘛攏會轉來。規陣因仔絞做伙，是鬧熱滾滾。七、八月仔，拄好是稻仔當欲收成。逐工透早，阮阿媽就愛去稻埕共坎粟仔的布篷掀開，用耙拂共粟仔一逝一逝耙予齊。拄開始是耙予尖尖，等日頭曝一站仔，就愛閣擲耙拂共尖尖的粟仔耙予平平平，予日頭繼續曝。就按呢，一下仔耙尖尖、一下仔耙平平，對日頭出來，曝到日頭落山，阿媽攏佇遐無閒這件代誌。

彼陣，阮這陣因仔猶閣細漢，無法度共阿媽鬥相共，大人的檣頭閣濟，嘛無閒工來共阮看顧，所以，大人是無閒甲汗水滂滂滴，阮是要甲四界碇碇從。拈田嬰、掠蟬仔、撈魚仔、覘相揣……齣頭實在有夠濟，干焦食點心的時間才會瀟倚來。阿媽攏講我是「好鼻師」，佗位有通食，就會看著我。無法度，食點心對我來講是上重要的代誌。

我會記得阿媽上捷攢的點心是米篩目、仙草、菓菓恰冰甲透心涼的糖水。阿媽會共遮的點心因佇米籬內底，用扁擔擔去田裡，通予作穡的人食。阿媽行佇頭前，我就綴佇伊的尻川後，順繼去食點心。我上愛食的點心是

米篩目摻冰糖水。□嗲嗲的米篩目食會著阿媽對我的疼惜恰慈愛。冰涼的糖水就親像阿媽對我的愛護，共熱天的刺疫趕甲離離離。我一碗食了閣一碗，阿媽是看甲喙笑目笑，點心敢若攏是刁工為我攢的。

讀國中了後，學校課業較重，逐工就愛讀冊恰準備考試，轉去庄跤歇熱，敢若是足久以前的代誌矣。自彼个時陣開始，阿媽對我的關心，不時就會對電話線彼片傳過來。伊毋但關心我的課業，閣吩咐我□退愛細膩、三頓愛食予飽。每一句的關懷，攏予我喉湏目箍紅，足向望家己有一對翼仔，會當隨時飛去阿媽的身軀邊，親像細漢的時，予阿媽攬牢牢，聽伊講古拍拈涼。

阿媽的愛，是我熱天的幸福。

## 04.阿母

陳明芳

母知對當時開始，阿芬就一日到暗咧想講，到底阿母是生做啥款？雖然，對阿芬來講，無老母是一層足慣勢的代誌，母過厝邊頭尾的姨婆、嬭婆 逐遍若是來厝裡揣阿媽開講，攏會對阿芬講：「諄！有夠成 母仔！老母實在是誠嬭！」 愈按呢講，阿芬就愈想欲知影阿母的模式。

有一工，阿芬搜著一張查某人的相片，伊穿一領合軀的烏衫恰紅絳絳的長褲，闊踏一雙懸踏仔，母但體格嬭，面框嘛嬭，袂予人感覺妖嬭。微微仔的笑容，有一種溫暖的氣質，母過，煞透濫淡薄仔憂愁。彼是一種親骨肉的感應，阿芬心內知影這就是伊一直咧搜揣的答案，伊就恬恬仔共相片囡入去伊的屨仔內。

自一年仔入學到今，阿媽都定定交代講：「你去學校是母通共同學講恁老爸老母離緣，這是見笑代，莫予人知。無，人會看你無。」阿芬誠聽喙，攏母敢講，嘛驚人笑，袂輸是家己做母著代誌全款，個性變甲足閉思的，講話嘛敢若蠓仔咧，有夠細聲。六年仔的時，阿芬真欣羨坐佇伊邊仔的查某同學，這位同學逐工頭髮攏捋甲誠整齊，講是 老母捋的。阿芬心內想講：「誠好命，我攏家己縛頭髮。」猶閣有，這位同學 老母逐工中晝攏揸飯包來，飯包內底攏有一粒煎甲嬭噹噹的卵包。啊若家

己的飯包，是下早仔阿媽攏好紮來學校炊過的，內底是昨昏暗頓食賭的灌腸，猶閣有炊甲澹去的肉酥恰黃去的蕹菜。

逐年母親節若欲到，阿芬攏會對學校紮一蕊家己做的紅色剪絨仔花轉來，老師講愛提轉來結跔阿母的身軀頂。阿芬躊躇足久的，最後攏是共紅色剪絨花提予阿媽。就按呢，母親節過矣，五月節、中秋、二九暝，其實，不管時阿芬攏會 khòk-khòk 相對門口的籬笆大門。伊已經等足濟年矣，伊咧等有一工，相片內底彼个穿插時行的查某人出現。伊嘛一直咧練習叫「阿母」這兩字。雖然一直叫袂好勢，母過到時陣，伊一定欲大聲喝出來，而且閣共紅色剪絨仔花結起去，予逐家知影：「這是阮阿母！」